

NEGERI SABAH
PADA:
TARIKH: 8 MEI 1998
AN 'URAN PERB'TU'N MAHASISWA PBI 'LO' IPMPUMBI
L'NDAN PERJAJAM



NASIR (tengah) bergambar kenangan bersama Profeser Dr Kamaruzaman Hj Ampon, Profeser Dato Dr Haji Abdul Halim Othman Dekan sekolah Psikologi dan kerja sosial UMS dan siswa/i UMS

Ciri-ciri wajah kampung perlu dijiwai: Nasir

SEMPORNA: Projek siswa bakti untuk masyarakat kampung melawati program motivasi, anjuran Universiti Malaysia Sabah (UMS) disifatkan sebagai langkah yang wajar bagi mendedahkan budaya serta hidup masyarakat kampung.

Pembantu Menteri Pembangunan Sumber dan Perusahaan, Datuk Haji Nasir Tun Sakaran berkata, projek tersebut mempunyai keunikan serta ciri-ciri berwajah kampung perlu dijiwai oleh setiap generasi terutama mahasiswa dan mahasiswi.

"Pendekatan seumpama itu adalah satu proses yang berdaya seimbang dengan keadaan yang didapati dari pengaruh lingkungan kota, yang selama ini terus dibendung dengan jiwa-jiwa 'fiodal'. Dari konteks itu pihak penganjur wajar dikategorikan sebagai tepat dan berjiwa matang," tegasnya.

Pembantu Menteri itu berkata, program tersebut yang menjerus kepada para pelajar PMR, SPM dan STPM satu usaha yang baik sekaligus mendedahkan golongan siswa dan

siswi dengan budaya kampung.

Menurutnya, masyarakat siswa dan siswi seharusnya didedahkan dengan kehidupan masyarakat kampung supaya mereka tidak merasa janggal bila berhadapan dengan masyarakat kampung apabila mereka keluar dari universiti kelak.

Nasir berkata demikian di majlis penutupan projek bakti siswa di dewan sekolah Menengah Kebangsaan Panglima Abdullah kelmarin. Beliau menambah, komitmen mahasiswa dalam projek ini bukan hanya sekadar untuk membentuk sahsia pelajar, tetapi mampu menampilkan diri kepada masyarakat di samping memberikan pengalaman baru kepada mereka.

Nasir yang juga wakil rakyat Sulabayan menasihatkan golongan yang terlibat dengan projek bakti siswa ini dapat memberikan manfaat yang berguna kepada diri mereka dan masyarakat setempat, sebagai golongan generasi yang bakal menjadi pemimpin di masa akan datang.

Dengan memiliki segala ilmu dan

kemahiran mereka dapat bersaing dengan masyarakat lain yang sudah maju," tegasnya.

"Bagaimanapun untuk mencapai sesuatu kecemerlangan itu, tidak ada jalan pintas, mereka harus mempunyai semangat juang dan tabah dalam menghadapi sebarang cabaran."

"Ini merupakan wahana perjuangan pelajar dalam mencapai kecemerlangan bukan saja kecemerlangan di dunia juga kecemerlangan di akhirat," katanya.

Nasir lalu menasihatkan golongan pelajar yang terlibat dengan projek tersebut supaya sentiasa berusaha mencapai kejayaan.

Katanya kerajaan membelanjakan beratus-ratus juta bertujuan meningkatkan mutu pendidikan di negara ini.

Apa yang penting golongan pelajar tidak melepaskan segala peluang yang diberikan, dan dengan itu katanya, mereka harus menjadikan cabaran itu sebagai tangga dalam mencapai kejayaan hidup. - Oleh Ahmad Haji Yassin